

wort⁷, wie auch das schreiben [2r] ahn den leimenden, deßen antwort vnd was der grüne in disfaß von sich komet lest.⁸ So hat er vber dis auch sein gemälde (zu verfertigung seiner gesellschaft⁹ in gold) inliedend benebenst den ienigen glückwütsch- vnd erinnerung, auch scherz, so newlich dem Eilenden¹⁰ in vnser großen versamlung, alß er neben seiner brautt ins brauttbette gesezt, feierlich vberreicht worden, zuempfangen, zuvorsichtig, Er werde sich solches nicht mißfallen, vnd auch dahero der löblichen gesellschaft aufnehmen fürters zusehen vnd zubefördern, ihme, wie^d bißhero hochstrühmlich geschehen, alß förter angelegen, vnd damit dieselben sambt vnd sonders, vorn semblich aber die vnterschiedene, ihm zu ferner freundschaft, gunst vnd gnaden, deren sie sich dan hiemit beharlich, ihn aber vnd alle die seinen Göttlicher obacht ergeben, vnd ihm zu aller freundschaft, willen, ehrerbietung vnd dinst geflißen vnd ganz willig verbleiben, im besten anbefohlen sein vnd bleiben laßen. Geschehen vnd geben in vnser versamlung, auff Gottbotts scheideweg¹¹ vnd seiner Hausfraw Pfreja¹² tag, war der neunte des Jenners des tausent, sechshundert, vier vnd zwanzigsten Jahres

Seine stetswillige, trewe freunde vnd gesellen.

s Der Nehrende s s Der Safttuge s s Der wohlbekommende s. Der Durchtrindende.
 s Der Langsame s Der Anmutige s Der Nutzbahre s s Der Vielgekörnte. s
 s Der Sauerhaffte s Der Reitzende s s Der Vnschädliche s s Der Wolgenandte¹³

[3r]

Nachbrieff.

Demnach auch hochgeehrter vnd sehr werther freundt vnd gesell, demselben bewußt, das der gelinde, bei seiner ahnwesenheit vnd erinnerung sich freiwillig erbotten, vnd anheischig gemacht, ehistes tages das ihm so anmutig- alß wolbekandte hezrecht¹⁴ vmbstendiglich zubeschreiben, vnd der gesellschaft einzuschicken; Alß ersuchen wir ihn hiermit freundt- vnd gebührlich, er wolle ihn, wie er dazzu gutte gelegenheit hatt, deßen förderlichst erinnern, vnd das wir deßen mit großer andacht vnd vngedult^f (die dan ohne das beim hezen, vnd sonderlich, wan er dahin gehet, nicht auszubleiben pflegt) erwarten, ihn versichern, Wir verschulden solches auch vmb ihn alles vermögens, vnd verbleiben

Seine stets willige, vnd trewe freunde vnd gesellen.

s Der Nehrende s s Der Safttuge s s Der wohlbekommende s. Der Durchtrindende.
 s Der Langsame s Der Anmutige s Der Nutzbahre s s Der Vielgekörnte. s
 s Der Sauerhaffte s Der Reitzende s s Der Vnschädliche s s Der Wolgenandte^g

[4r]

Der Nehrende: Ludwig Fürst zu Anhalt.

Der Safttuge: Ludwig der jüngere, Fürst zu Anhalt.